



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

2. Quomodò quis moechatur, corde, ore & facto.

urn:nbn:de:hbz:466:1-29452

niter contingit: habent quoque benedictionem Deo quod secundum ordinationem & voluntatem Dei in legitimo statu sint nati: ergo cauenda est omnis fornicatio. Et Deus per Moylen præcepit Deut. 22. Non sit meretrix inter filias Israel, neque sit scortator inter filios Israel: hoc est Dei præceptum, contra quod facere non licet. Et quanuis permittantur in panaria ob vitandum maius periculum, tamen non ut iustum defendi potest.

2.
Triplicis
adulterij
primum.

Secundò, est triplex adulterium siue luxuria, quæ prohibetur: prima est cordis & in cogitatione, quæ Christus prohibet Matth. 5. Si quis viderit mulierem alterius ad concupiscendam eam, id est, ea intentione, ut delectetur in cogitatione illa, is iam mœchatus est in corde suo. Ideò licet mundus hanc mœchitiam non videat, nec puniat, tamen eum Deus in cælo respicit, cui omnia nuda & aperta sunt, Hebræor. 4. Deus punit hic & in futuro.

II.

Deindè mœchia oris prohibetur, quæ fit cum quædam inhonestis verbis alienam vxorem alloquitur, insultat, & verba luxuriosa & cantilenas facit, aut etiam inordinatis moribus, gestibus, ornatu meretricio, cuius placeat & prouocet ad luxuriam, sic monet apostolus Ephe. 5. fornicatio autem & omnis immunditia aut auaritia nec nominetur in vobis, sicut decet sanctos, aut turpitudine, aut stultiloquium, aut scurrilitas, quæ ad rem non pertinent &c. Matth. 12.

III.

Postremò, ut nec opere perpetremus adulterium, sed omnes continentes simus vsque ad coniugium, sic commendatur prophetissa Anna Lucæ 2. quod virginitate sua vixerit cum viro suo annis septem & Tobia filius docetur à patre, Tobia 4. Deindè, quis in matrimonio ad aliam accedat, sed seruet eandem, quoad vixerit, & honestatè: nam lex matrimonij non soluitur nisi post mortem alterius, Romanor.

Est quoque furtum maximum, quod legitimi committunt, dum corporis sui ius non habeant viri, sed mulieres, & è diuerso, 1. Cor. 7. ideò se non debent defraudare, aut dare occasionem maligno. Sic exigit Deus, quòd ex omni parte viuamus honestè & continenter, & cubile impollutum custodiamus. Ideò ruperitudo non debet nominari in vobis, nedùm perpetrari, Ephes. 5.

Tertiò, tradunt sacræ literæ, quàm grauis sit ira Dei aduersus hoc peccatum: quare maxima cæcitas est, nò timere æternas & corporales pœnas: causa diluuij fuit libido Gen. 6. Sodoma cõflagrauit propter nefariã impuritatem, Gen. 19. Ciues Sichem interfeciti sunt propter stupratam filiam Iacob, Genes. 34. deindè in deserto propter libidinem vna die 25. millia hominũ perierunt, Num. 25. Postea verò tota tribus Benjamin deleta fuit propter stupratam Leuitæ vxorem, Iudic. 19. Filij Heli propter adulteria perierunt, 1. Reg. 2. adulterium Dauidi atque huius regno maximas calamitates attulit, 2. Regum 12. & vltimo: Samsonem quoq; fortissimum meretricius amor captiuauit. Ostendunt pœnas huiusmodi flagitiorum etiã gētium historiæ. Troia propter adulterinum raptũ Helenæ euersa est, Romana respublica tota mutata est propter oppressam Lucretiã. Aiũt quoq; Constantinopolim ante captiuitatem horribilibus sceleribus pollutã fuisse. Certissimum enim signum est imminenti exitij Imperijs & ciuitatibus, quandò ad ipsa vitia accedit impunitas & contemptus peccati, sicut Esai 3. Peccatum suum sicut Sodoma prædicauerunt. Cùm talis est licentia peccandi, sciamus non procul abesse pœnas. Apostolus igitur cū primis multas conciones facit cõtra huiusmodi libidines, vt ferè nullũ aliud vitium plũs carpsisse videatur, vt quòd grauius à Deo puniatur. Ephes. 5. fornicatio & immunditia nec nominetur in vobis, Gal. 5. opera car-